

21 Chwefror 2018

Annwyl Siân

Cwotâu newyddion a materion cyfoes ar gyfer BBC Radio Wales.

Hoffwn gywiro un peth a ddywedwyd yng ngwrandawriad y Pwyllgor yr wythnos ddiwethaf. Dywedodd Lee Waters AC bod Ofcom wedi lleihau ymrwymïadau BBC Radio Wales i ddarlledu 32 awr o raglenni newyddion a materion cyfoes yn unig yn hytrach na'r targed blaenorol o 53 awr a osodwyd dair blynedd yn gynt.


Yr unig gyfeiriad at 53 awr y gallaf ddod o hyd iddo yw yn adolygiad gwasanaeth Ymddiriedolaeth y BBC, lle mae'n ymddangos fel ffigur ar gyfer allbwn newyddion a materion cyfoes ar Radio Wales yn 2015/16 cyn cyflwyniad newid amserlen yn Chwefror 2016, wnaeth leihau'r cyfartaledd blyneddol rhagamcanol i 40 awr yr wythnos. Ni chafodd targed o 53 awr ei gosod erioed gan Ymddiriedolaeth y BBC ac yn sicr nid oedd yn ofyniad a osodwyd gan Ofcom ar umrhyw adeg.

Dyma'r flwyddyn gyntaf y mae Ofcom wedi cyhoeddi Trwydded Weithredu ar gyfer y BBC ac mae'r gofyniad ar BBC Wales i gynhyrchu 32 awr o raglennu yr un peth â'r gofyniad cafodd ei osod ddiwethaf gan Ymddiriedolaeth y BBC yn ei drwydded gwasanaeth cafodd ei osod yn Awst 2016. Wrth bwysu a mesur pa lefel i osod y gofyniad, roedd Ofcom yn ymwybodol o'r ffaith fod yr Ymddiriedolaeth newydd gynyddu ei dargedau newyddion a materion cyfoes ar gyfer radio'r cenhedloedd o ganlyniad i'w adolygiad gwasanaeth yn 2016 – "Mae pob un o'r gorsafoedd yn rhagori'n sylweddol nawr... ar gyfer allbwn newyddion a materion cyfoes. Felly (mae'r Ymddiriedolaeth) wedi addasu'r cwotâu i adlewyrchu lefelau cyflawni mwy diweddar."

http://downloads.bbc.co.uk/bbctrust/assets/files/pdf/our_work/nations_radio_news/cy_summary_report.pdf

Cafodd y cwotâu ar gyfer newyddion a materion cyfoes ar Radio Wales eu cynyddu o 24 i 32 awr gan Ymddiriedolaeth y BBC. Hyderaf y bydd adroddiad y Pwyllgor maes o law yn cynnwys y manylion cywir.

Cofion gorau



Rhodri Williams

Cyfarwyddwr, Cymru